

四庫全書

集部

欽定四庫全書

東坡全集卷一百十一

宋 蘇軾 撰

內制口宣一百四十一首

雄州撫問大遼國賀興龍節使副口宣

元祐元年十月

六日

有勅卿等遠犯風埃久勤軫傳入疆茲始授館少安申命撫存式昭眷獎

趙州賜大遼賀興龍節人使茶藥口宣

元祐元年十月

六日

有勅卿等遠訪使軺來陳慶幣川途甚阻風霧可虞特示至恩往頒名劑

賜正議大夫同知樞密院事安燾乞退不允批

答口宣

元祐元年十月十日

有勅卿被遇先帝勤勞有年逮于眇躬倚注彌重宜安厥位毋重力詞

賜宰臣呂公著生日禮物口宣

元祐元年十月十六日

有勅朕之元老生以茲辰實為邦國之華豈獨閨門之慶故命爾息往宣余懷仍分廐庫之良以助子孫之壽

相州賜大遼國賀興龍節使副御筵口宣

元祐元年

十月十八日

有勅卿等遠馳信幣來慶誕辰眷言四牡之勞宜享加籩之禮式頒寵數以示至恩

趙州賜大遼國賀太皇太后正旦使副茶藥口

宣

元祐元年十月二十八日

有勅卿等奉將邦幣馳會歲元眷言風駕之勤方次中塗之館宜頒靈劑以喻至懷

趙州賜大遼國賀皇帝正旦使副茶藥口宣

元祐

元年十月二十八日

有勅卿等逖修鄰好方次州封言念沍寒想勒跋履特頒名劑以示眷懷

雄州白溝驛賜大遼賀正旦人使御筵口宣

元祐

元年十一月

有勅卿等遠馳使節來慶春朝屬歲律之凝嚴涉道塗之修阻宜頒宴衍以勞勤劬

賜鎮江軍節度使判大名府韓絳詔書湯藥口

宣

元祐元年十一月九日

有勅卿德望之隆中外所屬誠請雖極輿論未安毋復懷歸以勤北顧特頒良劑以輔至和

賜鎮江軍節度使判大名府韓絳詔書湯藥口

宣

元祐元年十一月十日

有勅方面重寄無逾老成丘園歸休難遂雅意特頒珍劑以示至懷方此沴寒益加調養

賜新除依前中大夫守中書侍郎呂大防辭免

恩命不允斷來章批答口宣

元祐元年十一月十一日

有勅大政所關西臺為重朕難其選無以易卿宜即欽承母煩退避

賜新除中大夫守尚書右丞劉摯辭恩命不允

斷來章批答口宣

元祐元年十一月十五日

有勅卿嘉猷屢告清議所歸授受之間臣主無愧速起
視事副朕所期

賜正議大夫同知樞密院事安燾乞外郡不允

斷來章批答口宣

元祐元年十一月十六日

有勅卿職在樞要表儀百官進當以禮退當以義今茲
求退其義安在亟還視事毋復固辭

班荆館賜大遼國興龍節人使赴闕口宣

元祐元年

十一月二十一日

有勅卿等抗旌遠道弭節近郊乃眷勤勞良深軫念特
頒燕衍以示惠慈

班荆館賜大遼賀興龍節人使到闕酒果口宣

元祐元年十
二月初二日

有勅卿等肅將信幣來慶誕辰眷言行李之勞宜有燕
休之賜受茲芳旨體我眷懷

雄州賜大遼賀正旦人使迴程御筵口宣

元祐
元年

十二月
六日

有勅卿等出疆繼好已事言還跋履冰霜憇休館舍宜
有燕私之寵以旌來往之勤

賜河東路諸軍來年春季銀鞋兼傳宣撫問臣

寮將校口宣

元祐元年十
二月七日

有勅卿等從事邊陲服勤師律方踐更於春令諒率履
於天和特有匪頒以昭眷遇

送伴正旦使副沿路與賀正朝生辰并正旦使

副相見傳宣撫問口宣

元祐元年十
二月九日

有勅卿等方冬出使涉春在塗遠犯風埃想勤跋履勉加鞭策即造會朝

賜大遼賀正旦人使正月一日入賀畢就驛御

筵口宣

元祐元年十一月十一日

有勅卿等遠飭使軺來修舊好屬此方春之旦宜均既醉之歡爰命燕胥以昭眷寵

就驛賜大遼賀正旦人使銀鈔鑼唾盂孟子錦

被褥等口宣

元祐元年十一月十六日

有勅卿等遠持信幣來慶春朝眷言行李之勞方茲舍館之定宜加頒賚用示寵嘉

班荆館賜大遼賀正旦人使却回御筵口宣

元祐

元年十二月十九日

有勅卿等遠達使辭載嚴歸駟方改轅於北道暫弭節於都門益重眷懷往伸燕餞

相州賜大遼賀正旦人使却回御筵口宣

元祐元年

十二月二十二日

有勅卿等歲首奉觴禮成復命改轅之道弭節近藩宜
錫宴私以彰眷寵

就驛賜大遼賀興龍節人使迴程酒菓口宣

元祐

元年十二月
二十四日

有勅卿等抗旌旋復弭節少留風埃浩然徒馭徒止宜
有珍芳之賜以昭眷寵之殊

賜大遼賀正旦人使朝辭訖就驛御筵口宣

元祐

元年十二月
二十五日

有勅卿等來修舊好克備多儀既陞見以告辭將駕言而反命載嘉勤勩宜錫燕私

班荆館賜大遼賀正旦人使迴程酒果口宣

元祐

元年十一月二十八日

有勅卿等遠會春朝恪修鄰好既卒聘事豈無燕私宜就錫於加籩蓋式昭於異數

撫問熙河蘭會路臣寮口宣

元祐二年正月二十五日

有勅卿等服勤疆場賦政兵民言念劬勞實分憂顧特

加存問以示眷懷

撫問資政殿學士知楊州王安禮口宣

元祐二年正月

二十七日

有勅卿久去廊廟出臨江淮綏懷流亡肅遏寇盜遠惟勤瘁特示撫存

賜皇叔祖保信軍節度使安康郡王宗隱生日

禮物口宣

元祐二年正月四日

有勅卿屬尊望重德厚慶隆方誕育之令辰有匪頌之

故事克膺壽祉永服寵光

賜皇叔祖昭信軍節度使漢東郡王宗瑗生日

禮物口宣

元祐二年
二月二日

有勅卿爵齒既隆德望斯稱載更誕日胥慶家庭式侑
燕私以資壽祉

寒節就驛賜于闐國進奉人御筵口宣

元祐二
年二月

二
日

有勅汝等觀光上國述職遐方屬茲改火之辰想有懷

歸之念宜頒燕衍以示恩私

賜皇叔祖寧國軍節度使華原郡王宗愈生日

禮物口宣

元祐二年二月二十七日

有勅卿望重宗盟德隆藩服載協誕彌之旦光膺積慶之餘特示寵頒永綏壽祉

賜新除保寧軍節度使馮京告勅詔書茶藥口

宣

元祐二年三月二十八日

有勅全魏之寄舊德為宜勉即征途以答民望往頒珍

劉昭示眷懷

賜鎮江軍節度使充集禧觀使韓絳詔書茶藥

口宣

元祐二年三月二十八日

有勅卿德齒俱高誠請彌確重以民事久勞元臣既飭還車宜頒珍劑尚加調養以副眷懷

賜太師文彥博乞致仕不允批答口宣

元祐二年三月

二十九日

有勅卿德望冠於累世風采聞於四夷方茲仰成倚以

為重退老之請所未欲聞

賜宰相呂公著乞退不允批答口宣

元祐二年三月二十

九日

有勅卿柱石本朝著龜當代方茲注意實所仰成宜體朕心姑安其位

賜交州進奉人朝見訖就驛御筵口宣

元祐二年四月

五日

有勅汝等恭持方物來款塞垣冒涉修途觀光上國宜

頒燕勞以示恩私

白溝驛賜大遼賀坤成節人使御筵兼傳宣撫

問口宣

元祐二年四月十七日

有勅卿等肅將慶幣遠涉修塗風埃浩然徒馭勤止宜
頒燕衍以示眷懷

賜尚書左丞李清臣乞退不允批答口宣

元祐二年

四月二十七日

有勅卿綜轄樞機雍容廊廟義當體國謀豈先身往喻

至懷少安舊服

賜集禧觀使鎮江軍節度使開府儀同三司韓

絳到闕生餽口宣

元祐二年五月十二日

有勅卿力辭繁劇歸即燕安想見老成渴聞嘉話特頒
牢醴以勞驂駢

班荆館賜大遼國賀坤成節人使到闕御筵口

宣

元祐二年六月二日

有勅卿等肅將慶幣垂及都門遠涉暑塗想懃行李式

頒燕衍以示恩私

賜護國軍節度使檢校太師濟陽郡王曹侑生

日禮物口宣

元祐二年
六月九日

有勅卿世濟勲勞德隆藩戚屬此誕彌之日宜無燕喜
之私膺我寵頒永增壽祉

賜皇弟山南東道節度使開府儀同三司佖生

日禮物口宣

元祐二年
六月十八日

有勅卿以棣華之親襲瓜瓞之慶載臨誕日宜厚寵頒

服我異恩永膺介福

就驛賜大遼賀坤成節使副銀鈔鑼錦被褥等

口宣

元祐二年六月二十八日

有勅卿等還持慶幣來講鄰歡徒馭少休舍館既定首膺寵錫當體眷懷

賜皇伯祖彰化軍節度使高密郡王宗晟生日

禮物口宣

元祐二年七月一日

有勅卿德茂宗枝望隆公袞推本流長之慶有嘉震肅

之辰宜是寵頒以綏壽祉

賜知樞密院事安燾已下罷散坤成節御筵口

宣

有等卿等忠存體國義切戴君結妙果於三乘祝慈闈
之萬壽宜膺寵錫以示眷存

玉津園賜大遼賀坤成節人使射弓例物口宣

元祐三年

七月八日

有勅卿等致命寶鄰出游禁籞爰敦射事以佐賓歡宜

旌審固之能式厚珍良之賜

賜大遼賀坤成節人使生餽口宣

元祐二年七月八日

有勅卿等遠涉修塗來陳慶幣舍館初定徒馭實勞宜
錫餽牽以昭寵數

相州賜大遼賀坤成節人使却迴御筵口宣

元祐

二年七月八日

有勅卿等遠涉歸途再離秋暑駕言近郡少憇旋車宜
示眷懷往頒燕俎

瀛州賜大遼賀坤成節人使回程御筵口宣

元祐

二年七月十日

有勅卿等抗旌來聘已事言還方次邊城少休候館宜
頒燕俎以勞歸驂

賜大遼賀坤成節人使內中酒果口宣

元祐二年七月

十一日

有勅卿等遠馳使傳申講鄰歡既執贄以造廷亦展幣
而成禮宜加寵錫以示眷存

賜太師文彥博已下罷散坤成節道場香酒果

口宣

元祐二年七月十一日

有勅卿翊贊大猷倡先多士方慈闈之獻壽嚴法會以薦誠宜有寵頒以昭殊眷

賜知樞密院事安燾已下罷散坤成節道場香

酒果口宣

元祐二年七月十一日

有勅卿等同協忠嘉助成孝治方慈闈之獻壽嚴法會以薦誠宜有寵頒以昭殊眷

坤成節就驛賜于闐國進奉人御筵口宣

元祐二年

七月十一日

有勅汝等款塞觀光趨庭效貢屬誕彌之稱慶均燕衍以示慈祇服寵嘉式旌忠恪

賜殿前都指揮使燕達已下罷散坤成節道場

香酒果口宣

元祐二年七月十一日

有勅卿等同罄純忠力修勝果用祈慈壽既徹梵筵宜有寵頒以昭眷遇

賜皇伯祖鎮南軍節度使開府儀同三司宗暉

已下罷散坤成節道場香酒果口宣

元祐二年七月

十二日

有勅卿表率宗垣助成孝治祝延慈壽仰叩佛乘既畢
梵筵宜加寵賚

賜平海軍節度使駙馬都尉李瑋已下罷散坤

成節道場香酒果口宣

元祐二年七月十二日

有勅卿等乃心王室同輸欲報之誠稽首佛乘共祝無

疆之壽既成法會宜示寵頒

賜皇叔楊王荆王醴泉觀罷散坤成節道場香

酒果口宣

元祐二年七月十二日

有勅卿等德冠邦家義兼臣子修勝緣於西竺祈壽嘏於南山宜有寵頒以成法會

雄州撫問大遼使副賀坤成節口宣

元祐二年七月十二日

日

有勅卿等抗旃修好馳傳及疆遠涉暑途實勞驂馭特

加存撫式示寵頒

班荆館賜大遼賀坤成節人使回程酒果口宣

元祐二年七月十六日

有勅卿等繡成聘禮歸次都門復此少留逝將言邁宜頒餞竿以寵行驂

賜皇叔楊王顥生日禮物口宣

元祐二年七月十九日

有勅卿屬尊魯衛德重間平每臨載育之辰永錫無窮之慶宜膺寵數以介壽祺

賜安燾辭免恩命不允斷來章批答口宣

元祐二年

八月五日

有勅卿以舊德簡在朕心成命既孚僉言咸穆宜即祇受毋煩固辭

賜熙河秦鳳路帥臣并沿邊知州軍臣寮茶銀

合兼傳宣撫問口宣

元祐二年八月十日

有勅卿等夙分邊寄深識敵情屬此盛秋勞於警備宜加寵賚以示眷懷

賜熙河秦鳳路提刑轉運茶銀合兼傳宣撫問

口宣

元祐二年
八月十日

有勅卿持節宣風久分憂寄調兵足食想極賢勞宜有寵頒以彰眷遇

賜觀文殿大學士光祿大夫知永興軍韓縝茶

銀合兼傳宣撫問口宣

元祐二年
八月十日

有勅卿釋政廟堂均勞方面兵民之重綏御實勞往諭至懷仍加寵賚

賜皇弟武成軍節度使祁國公偁生日禮物口

宣

元祐二年八月十六日

有勅卿棣華襲慶桐葉分封載臨震肅之辰特致壽康之祝其膺寵錫以介神休

賜皇叔成德荆南等軍節度使守太尉開府儀

同三司荆王顏生日禮物口宣

元祐二年八月二十日

有勅卿以名世之傑居叔父之親乃眷良辰實鍾餘慶宜膺異數之禮永錫無疆之休

賜宰相呂公著乞外任不允批答口宣

元祐二年八月

二十三日

有勅全德之老朕所仰成大義未安卿當畏去純忠所
激微疾自除

賜宰相呂公著乞罷相位不允斷來章批答口

宣

元祐二年八月二十八日

有敕卿之在位為德與民朕意不移徒煩屢請速起視
事毋復固辭

賜皇弟定武軍節度使開府儀同三司咸寧郡

王俟生日禮物口宣

元祐二年八月二十八日

有勅眷予母弟誕慶茲辰載詠斯千之祥宜均既醉之福祇膺寵數永錫壽祺

賜太師平章軍國重事文彥博辭免免入朝拜

禮允批答口宣

元祐二年八月二十八日

有勅卿勲德愈高謙恭不伐盡事君之禮忘屈身之勞重違嘉言特寢前命

熙河蘭會路賜种誼已下銀合茶藥及撫問犒

設漢蕃將校以下口宣

元祐二年九月二日

有勅汝等受成元帥問罪種羌既俘凶渠備見忠力各加犒賜用示眷懷

賜保靜軍節度使檢校司空開府儀同三司建

安郡王宗綽生日禮物口宣

元祐二年九月二日

有勅位隆將相德重宗藩方秋律之既深紀門張之多慶宜膺寵錫以介壽祺

撫問劉舜卿兼賜銀合茶藥口宣

元祐二年九月二日

有勅卿翰屏西服威懷種羌嚴兵盛秋得雋戎落往遺
勞問仍示寵頒

賜陝府西路轉運判官孫路銀合茶藥口宣

元祐

二年九月五日

有勅汝以職事出按邊防屬此軍興想勞心計宜加寵
錫以示眷懷

賜陝府西路轉運司勾當公事游師雄銀合茶

藥口宣

元祐二年
九月五日

有勅汝以儒臣習知疆政王事靡盬周爰咨謀宜有寵
頒以旌懃瘁

賜涇原路經略使并應守城禦城漢蕃使臣已

下銀合茶藥兼傳宣撫問口宣

元祐二年
九月五日

有勅強敵窺邊無故犯順汝等忠義所激戰守有方倚
角相望示以形勢旗轍自遁亭候無虞爰念勤勞不忘
嘉歎

賜大遼賀正旦人使白溝驛御筵并撫問口宣

元祐二年
九月七日

有勅卿等遠馳華節冒履薄寒眷言郵傳之勤少樂燕嘉之賜往申寵問式示眷存

賜太師文彥博乞致仕第一表不允批答口宣

元祐二年
九月九日

有勅朕上承慈訓下酌民言秉國之成非卿莫可來請雖切朕意不移

賜太師文彥博乞致仕不允斷來章批答口宣

元祐三年九月十一日

有勅卿望重百辟威聞四夷進退之間輕重所寄毋煩
屢請朕命不移

白溝驛傳宣撫問大遼賀興龍節人使及賜御

筵口宣

元祐二年九月十一日

有勅卿等遠馳信幣來慶誕辰念此修塗喜於入境宜
加燕勞以示眷存

沿路撫問奉安神宗御容禮儀使呂大防已下

口宣

元祐二年九月十二日

鄭州

有勅卿等恭持使節祇事祠官遠涉郵途實勞啟處特
加存問以示眷懷

鞏縣

有勅卿等出使別都展儀原廟衝涉微凜勤勞遠塗體
此眷懷宜加調衛

西京

有勅卿等暫去闕庭服勤陞傳奉祠之重率禮為勞已
事遄歸式符眷遇

賜熙河路副總管姚兕等銀合茶藥口宣

元祐二年

九月十四日

有勅卿以武略過人忠義思報焚蕩敵境宣明國威特
示寵頒以觀來效

撫問秦鳳等路臣寮口宣

元祐二年九月十八日

有勅卿等綏馭兵民布宣條教眷惟忠藎想極劬勞屬此早寒各宜厚愛

西京會聖官應天禪院奉安神宗御容禮畢押

賜禮儀使已下御筵口宣

元祐二年九月二十一日

有勅卿等既成原廟復奠神游乃眷元臣往嚴盛禮宜均燕衍以示眷存

賜嗣濮王宗暉生日禮物口宣

元祐二年九月二十二日

有勅流澤之深積慶之厚嘉此良日篤生賢王受茲多

儀永錫難老

賜皇弟鎮寧軍節度使開府儀同三司遂寧郡

王佖生日禮物口宣

元祐二年
十月一日

有勅乃眷賢王惟予介弟篤生茲日流慶方來往致予
言以為爾壽

趙州賜大遼賀興龍節使副茶藥口宣

元祐二
年十月

一
日

有勅卿等久懃軫傳遠涉風埃既漸邇於中邦方少安

於候館往頒珍劑以示眷懷

賜太師文彥博生日禮物口宣

元祐二年
十月五日

有勅卿勲在廟社名聞華夷允儲河嶽之靈宜享喬松之壽往頒寵數以慶佳辰

沿路賜奉安神宗御容禮儀使呂大防押賜馮宗道并使臣已下銀合藥茶兼傳宣撫問口

宣

元祐二年
十月七日

有勅卿汝祇率宮常往嚴像設屬此寒凝之候眷言往

返之勞式示寵綏特加優錫

接伴大遼賀興龍節人使送伴回程與大遼賀

正旦人使相逢撫問口宣

元祐二年十月十七日

有勅卿等並駕使軺遠敦鄰好屬風霜之凝冽歷川陸之阻修宜示眷懷特申問勞

趙州賜大遼賀太皇太后正旦使副茶藥口宣

元祐二年十月十七日

有勅卿等遠馳使傳方次州封念此寒凝艱於涉履特

申寵錫以示眷存

趙州賜大遼賀皇帝正旦使副茶藥口宣

元祐二年

十月十七日

有勅卿等遠修聘事來會歲元眷言風駕之懃宜有中
途之賜受茲珍品喻我至懷

雄州撫問大遼賀興龍節使副口宣

元祐二年十月十七日

日

有勅卿等恭修鄰好遠慶誕辰眷惟授館之初益喜造

朝之近往申問勞式示眷存

雄州撫問大遼賀正旦使副口宣

元祐二年十月十八日

有勅卿等遠會春朝篤修鄰好言念乘軺之久欣聞入境之初式示眷存往申問勞

賜諸路臣寮中冬衣襖口宣

元祐二年十月十八日

有勅霜露荐至衣褐未周念我遠臣何以卒歲往均安燠之賜尚體眷懷之深

賜宰相呂公著生日禮物口宣

元祐二年十月十八日

有勅卿仁以庇民忠以衛上誕彌之日慶慰良深往錫寵章以介眉壽

冬季傳宣撫問諸路沿邊臣寮口宣

元祐二年十月十八日

日

有勅卿等守禦邊疆憂勞夙夜屬茲寒沍想各康強特示眷懷往申勞問

撫問知河南府張瑛知永興軍韓鎮口宣

元祐二年

十月十八日

有勅卿輟自廟堂出為師帥勞於綏御寬我顧憂屬此
寒凝勉加顧養

冬季撫問陝西轉運使副口宣

元祐二年十月十八日

有勅卿等歲事將畢農工既休永言乘傳之勞未遑退
食之佚勉加輔養尚副眷懷

冬季撫問諸路沿邊臣寮口宣

元祐二年十月十八日

有勅卿等分憂久外並塞早寒眷此勤勞形於軫念往
加勞問式示眷存

賜資政殿學士新差知成都府王安禮詔書銀

合茶藥傳宣撫問口宣

元祐二年十月二十七日

有勅卿西南之寄古今所難蓋自祖宗以來式輟鈞衡之舊與衆同樂非卿執宜

賜于闐國進奉人進發前一日御筵口宣

元祐二年

十月二十九日

有勅汝等奉琛來覲已事言歸式嘉慕義之誠宜有勞還之澤往頒燕衎祇服恩私

班荆館賜大遼賀正旦人使到闕御筵口宣

祐元

二年十一月
四日

有勅卿等夙抗使旌少休郊館乃眷川途之邈載惟驂
馭之勞特賜燕私以旌勲瘁

班荆館賜大遼賀興龍節人使酒果口宣

元祐
二年

十一月
九日

有勅卿等遠乘使傳方造都門屬此寒凝久於衝涉宜
膺就賜之禮以示勞來之恩

班荆館賜大遼賀興龍節人使御筵口宣

元祐二年

十一月十一日

有勅卿等遠犯苦寒來修舊好載喜使華之近特申郊勞之儀服我恩私少留燕衍

相州賜大遼賀正旦人使御筵口宣

元祐二年十一月十

六日

有勅卿等篤修舊好少憇近邦屬冰雪之嚴凝念車徒之勤勩往加燕勞式示眷懷

賜皇伯祖高密郡王宗晟已下罷散興龍節道

場香酒果口宣

元祐二年十一月一日

有勅卿等以義重宗藩志存忠愛先期誕月歸命佛乘

運茲法會之成宜有匪頒之寵

宗暉以下同

賜知樞密院事安燾已下罷散興龍節道場酒

果口宣

元祐二年十一月一日

有敕誕彌之慶綿宇所同矧我臣工方茲燕喜宜有柔嘉之賜以成豈弟之驩

賜濟陽郡王曹佺罷散興龍節道場酒果口宣

元祐二年十
二月一日

有勅卿位重戚藩望隆耆德歸誠覺苑增祝壽山宜有
寵頒以昭厚眷

賜殿前都指揮使燕達已下罷散興龍節道場

香酒果口宣

元祐二年十
二月一日

有勅卿等志在愛君忠於衛上屬誕彌之紀慶修淨供

以祈年宜有頒寵以旌勤意

步軍副都指揮
使苗授以下同

賜知樞密院事安燾已下罷散興龍節道場香

酒果口宣

元祐二年十二月一日

有勅彌月之祥敷天同慶協股肱之畢力延釋梵以祈年申以寵頒助其愷樂

賜太師文彥博已下罷散興龍節酒果口宣

元祐

二年十二月二日

有勅卿等以弼亮之重勤勞王家因誕慶之辰修崇法會宜頒芳旨以示眷存

賜大遼賀興龍節前一日內中酒果口宣

元祐二年

十二月
二日

有勅卿等抗旌就館已觀車騎之華奉幣造朝復歎威儀之美就加寵錫以示眷懃

賜大遼賀興龍節十日內中酒果口宣

元祐二年
十一月十二日

二月
二日

有勅卿等奉幣講歡造廷稱壽嘉禮儀之閑習宜寵錫之便蕃受此珍甘以旌眷遇

賜大遼賀興龍節朝辭訖歸驛御筵口宣

元祐二年

十二月二日

有勅卿等使事既終陞辭而復少休賓館將整歸驂特示至懷更頒嘉燕

賜大遼賀興龍節瀛洲回程御筵口宣

元祐二年十二月二日

有勅卿等已修舊好復改北轅雖候館之少休眷歸途之尚邈往頒燕俎以示至懷

相州賜大遼賀興龍節使赴御筵口宣

元祐二年十二月十二日

月四日

有勅卿等犯寒遠道弭節近邦少休風駕之勞式示加
邊之惠服我寵數以增使華

相州賜大遼賀興龍節使副却回御筵口宣

元祐

二年十二月四日

有勅卿等聘事告成還車言邁改轅北道弭節近邦眷
言行役之勞宜有燕私之寵

賜大遼賀興龍節人使射弓例物口宣

元祐二年十二月十二日

月六日

有敕卿等懷四方之志扶五善之能終日射侯於是觀禮宜申寵錫以佐賓歡

班荆館賜大遼賀興龍節人使回程御筵口宣

元祐二年十二月六日

有敕卿等已事言旋改轅茲始冒寒遠涉軫念良深少憩近郊復陳燕豆

賜諸路臣寮春季銀鞋兼撫問口宣

元祐二年十一月八日

有勅卿等各竭乃心久勞于外屬此寒凝之候永惟綏馭之勲式示眷存往加勞問

撫問知大名府馮京口宣

有勅卿以元老卧護北門寬我顧憂想勞綏御屬茲寒沍益務保頤

賜大遼賀興龍節人使朝辭歸驛酒果口宣

元祐

二年十二月
十八日

有勅卿等已事言旋指期夙駕歲寒遠道良用軫懷宜
有寵頒以旌勤瘁

賜大遼賀興龍節人使班荆館却回酒果口宣

元祐二年十
二月十日

有敕卿等聘事已成征驂言邁往餞於館以華其歸仍
有寵頒式昭厚眷

班荆館賜大遼賀正旦人使到闕酒果口宣

元祐

二年十二

月十日

有勅卿等遠修鄰好來會歲元久涉氷塗少休郊館宜
頒芳旨以勞驂駢

就驛賜大遼賀興龍節人使宴口宣

元祐二年
十二月十

二
日

有勅佳辰紀慶聘事告成申勅臣鄰往就舍館同茲衍
樂服我惠慈

就驛使大遼賀興龍節人使宴花酒果口宣

元祐

二年十二月十一日

有勅卿等遠勤使傳來慶誕辰臨遣重臣往頒燕俎仍加寵錫以示至懷

賜大遼賀正旦使副銀鈔鑼等口宣

元祐二年十二月十日

一日

有勅卿等通兩國之歡不遠千里驅一乘之傳來慶三朝宜有寵頒以昭異眷

相州賜大遼賀正旦人使却回御筵口宣

元祐二年

十二月

十四日

有勅卿等復理歸鞍少休輔郡念北轅之首路犯西陸之餘寒往致恩勤宜留燕衍

賜大遼賀正旦人使却回雄州御筵口宣

元祐二年

十二月
十四日

有勅卿等遠勤郵傳冒涉冰霜眷言往復之勞已次封圻之上宜頒嘉燕以示至懷

賜大遼賀興龍節使副鈔鑼等口宣

元祐二年
十二月十

八日

有勅卿等解驂授館方講於鄰歡遣使勞來宜敦於主禮往加優錫以示眷懷

賜大遼正旦人使生餽口宣

元祐二年十二月二十四日

有勅卿等郵傳遠勤舍館既定宜敦主禮以犒馭徒往錫餽牽少紓勞瘁

送伴正旦使副沿路與賀北朝生辰并正旦使

副相逢傳宣撫問口宣

元祐二年十二月二十五日

有勅卿等銜命出使徂冬涉春適寒苦之倍常知勤勞
之加舊勉驅郵傳來造會朝

賜大遼賀正旦入賀畢使副就驛酒果口宣

元祐

二年十二月
二十六日

有勅卿等既勤闕庭少安館舍宜行慶賜以樂春朝往
致甘芳式華觴豆

賜大遼賀正旦入賀畢使副就驛御筵口宣

元祐

二年十二月
二十六日

有勅卿等遠抗使旃來陳慶幣眷東風之協應嘉上日
之同歡宜就驛亭往頒燕豆

賜大遼賀正旦使副前一日內中酒果口宣

元祐

二年十二月
二十七日

有勅方興嗣歲既饒餘寒嘉鄰好之篤修念使華之少
駐式頒珍異以示眷懷

賜大遼賀正旦却回班荆館御筵口宣

元祐
二年十二月

月二十
七日

有勅卿等聘事既成歸途方啟言念改轅之始少留帳
飲之歡往推恩懃下及徒馭

賜大遼賀正旦朝辭訖歸驛御筵口宣

元祐二年十一月二十七日

月二十七日

有勅卿等寓館久勤趨事告去不假壺觴之樂曷為徒
馭之華服我恩私少留宴衍

賜大遼賀正旦朝辭訖歸驛御筵酒果口宣

元祐

二年十一月二十八日

有勅卿等聘事告成歸車夙駕屬此寒凝之末眷言往返之勤錫此珍芳以將寵遇



東坡全集卷一百十一

欽定四庫全書

集部

東坡全集卷一百十三

詳校官無吉士臣謝恭銘

檢討臣何思鈞覆勘

總校官進士

臣

朱

鈐

校對官中書

臣

牛稔

文

謄錄監生

臣

陳其道

欽定四庫全書

東坡全集卷一百十二

宋 蘇軾 撰

內制口宣一百二十二首

賜大遼賀興龍節人使雄州回程御筵口宣

元祐

二年十一月

二十八日

有敕卿等聘事既成歸途尚邈屬此冰霜之候眷言來
往之勤宜賜燕私少紓行役

賜大遼賀正旦使副春幡勝口宣

元祐二年十一月二十九日

有敕剪刻之工風俗惟舊眷皇華之在館屬春陽之肇
新宜有分頒以增賁飾

賜大遼賀正旦使副射弓例物口宣

元祐二年
十二月二

十九
日

有敕卿等出遊禁籞觀藝射侯弓矢旣均禮儀卒度宜
加寵錫以侑燕歡

瀛洲賜大遼賀正旦人使回程御筵口宣

元祐
三年

正月
五日

有敕卿等來脩舊好遠冒祁寒涉歷冬春服勤郵傳式
頒嘉燕以答久勞

賜宰相呂公著上第二表乞致仕不允批答口

宣

元祐三年三
月二十九日

有敕朕以冲眇垂拱仰成卿以耆老圖任共政無故而
去於義未安

賜宰相呂公著乞致仕不允斷來章批答口宣

元祐三年
四月一日

有敕卿望重縉紳義均休戚如左右手可須臾離雖屢
形於懇詞必難移於朕意

閣門賜新除守司空同平章軍國事呂公著誥

口宣

元祐三年
四月七日

有敕卿正位三公具瞻多士式資坐論以副仰成體朕
眷懷服此明命

閣門賜新除宰相呂大防范純仁誥口宣

元祐
三年

四月
七日

有敕朕稽參衆庶登用俊良並建宰司同陞揆路祇承
明命仰副眷懷

賜新除尚書左僕射呂大防尚書右僕射范純

仁辭免恩命不允批答口宣

元祐三年四月十一日

有敕卿望重縉紳才兼文武弼亮之選中外同然毋或
固辭以稱朕意

賜呂公著辭恩命上第二表不允斷來章批答

口宣

元祐三年四月十二日

有敕卿以全德式符具瞻宜與師臣共為民表欽承明命佇聽嘉謨

賜范純仁呂大防辭恩命上第二表不允斷來

章批答口宣

元祐三年四月十三日

有敕卿以宏材久與大政擢升宰輔實慰具瞻宜速拜嘉毋煩謙避

賜新除門下侍郎孫固辭免恩命不允斷來章

批答口宣

元祐三年四月十四日

有敕卿金華雋老西樞舊臣與政東臺實慰輿議祇膺
成命母復固辭

賜劉摯辭免恩命不允斷來章批答口宣

元祐三年

四月十日

有敕稽參衆言蔽自朕志西臺之貳無以逾卿亟踐厥
官母煩固避

賜王存辭免恩命不允斷來章批答口宣

元祐三年

四月十日

有敕卿純忠許國雅望在人官以次升義無足避其承
休寵以副眷懷

賜胡宗愈辭免恩命不允
斷來章批答口宣

元祐

三年四月

十四日

有敕卿雅望在人純忠許國旣以彙進胡為力辭宜體
至懷卽膺成命

賜趙瞻辭免恩命不允
斷來章批答口宣

元祐三年

四月十

四日

有敕朝廷用人議論先定不次之舉非卿孰宜亟服休
恩毋煩固避

賜河北西路諸軍秋季銀鞋兼傳宣撫問臣寮

將校口宣

元祐三年四月十八日

有敕卿等憂寄之深疆事靡盬眷言勞勩想各平寧體
我至懷受茲時賜

宣詔許內翰入院口宣

元祐三年四月十九日

有敕卿拔自循良老於文學禁林之命儒者所榮往祇

厥司以究所蘊

白溝驛賜大遼賀坤成節人使御筵兼傳宣撫

問口宣

元祐三年四月二十二日

有敕卿等遠涉暑途來陳慶幣眷言徒御久犯風埃往賜燕娛少休行役

賜大遼賀坤成節人使生餽口宣

元祐三年五月十日

有敕卿等肅將鄰好來慶誕辰徒馭久勞館宇初定宜頒委積以示寵章

賜安燾乞退不允斷來章批答口宣

元祐三年
六月一日

有敕卿以舊德首冠西樞雅望既隆仰成彌重宜安厥
位以卒輔予

賜北京恩冀等州修河官吏及都運運使運判

監丞等銀合茶藥并兵級等夏藥特支兼傳

宣撫問口宣

元年三年六
月十四日

有敕卿等夙夜河壩暴露野次茲屬暑雨深軫予懷往
示寵頒少慰勞苦

撫問保寧軍節度使知大名府馮京兼賜銀合

茶藥口宣

元祐三年六月十四日

有敕河役方興吏士在野暑雨之際綏御為勞膺此寵
頒尚加慎護

賜太中大夫守尚書左僕射兼門下侍郎呂大

防生日禮物口宣

元祐三年六月二十二日

有敕乃眷良辰篤生元輔豈獨縉紳之望允為河華之
英今遣爾甥往致朕命受茲休寵永介壽祺

賜皇弟山南東道節度使開府儀同三司大寧

郡王佖生日禮物口宣

元祐三年六月二十二日

有敕乃眷賢王篤生茲日本枝之慶華萼相承宜分廐庫之良以致喬松之壽

賜大遼人使賀正成節入見訖歸驛御筵口宣

元祐三年

七月八日

有敕卿等初祝使車已陳慶幣退安館舍往錫燕觴式示眷懷且旌勞勩

賜大遼人使賀正成節入見訖歸驛酒果口宣

元祐三年

七月八日

有敕卿等趨庭致命就館即安少休行役之勞宜示眷懷之異式昭寵數往錫甘芳

班荆館賜大遼賀正成節人使回程御筵口宣

元祐三年

七月八日

有敕卿等使事畢陳還車載啟改轅而北弭節少留就錫燕嘉式昭禮遇

玉津園賜大遼賀坤成節人使射弓例物口宣

元祐三年
七月九日

有敕卿等既陳慶幣復展射侯豈獨娛賓亦將觀德宜
有珍良之錫以旌審固之能

賜殿前司罷散坤成節道場香酒果口宣

元祐
三年

七月
九日

有敕卿忠存衛上義切戴君爰祝壽山克成梵供宜加
寵錫以示眷懷

賜宗室開府儀同三司以下罷散坤成節道場

香酒果口宣

元祐三年七月九日

有敕卿以令德懿親共輸誠悃名藍法供虔祝壽祺既徹淨筵宜加寵錫

賜馬步軍司罷散坤成節道場香酒果口宣

元祐

三年七月十二日

有敕卿等共罄臣衷力祈慈壽爰脩法會亦既告成宜有寵頒以旌誠懇

賜知樞密院事安燾已下罷散坤成節道場香

酒果口宣

元祐三年七月十二日

有敕卿等忠存廟社義篤君親嘉法會之有成祝聖齡於無極宜加寵賚以示眷懷

賜皇伯祖嗣濮王宗暉已下罷散坤成節道場

香酒果口宣

元祐三年七月十二日

有敕卿等為國懿親助我孝治祝慈闈之永壽成法會於茲辰宜有寵頒以精忠悃

賜皇叔楊王醴泉觀罷散坤成節道場香酒果

口宣

元祐三年七月十二日

有敕卿等以周邵之親躬任似之眷

一作養

力祈壽嘏祇

扣佛乘既徹淨筵宜膺寵賚

賜太師文彥博已下罷散坤成節道場香酒果

口宣

元祐三年七月十二日

有敕元老在廷百官承式啟法筵於梵宇祝壽嘏於慈

闡宜有寵頌以助燕喜

相州賜大遼賀坤成節人使却回御筵口宣元祐

三年七月
十三日

有敕卿等遠飭征驂少休近郡載惟勤勩良極軫懷往
錫宴觴以華歸騎

瀛洲賜大遼賀坤成節人使回程御筵口宣元祐

三年七月
十三日

有敕卿等遠聘通歡言歸復命改轅北道弭節邊城宜
錫燕觴少休行役

賜護國軍節度使濟陽郡王曹脩罷散坤成節

道場香酒果口宣

元祐三年七月十三日

有敕卿以耆德首冠咸藩虔祝壽祺告成法會宜加寵賚以助燕私

班荆館賜大遼賀坤成節人使回程酒果口宣

元祐三年七月十三日

有敕卿等致命言還改轅伊始暑雨方作徒馭實勞宜有寵頒以昭眷遇

就驛賜大遼國賀坤成節人使宴口宣

元祐三年七月

十六日

有敕卿等遠馳使傳來會誕辰言念勤勞宜加旌寵特
頒燕喜以示眷懷

就驛賜大遼賀坤成節人使花酒果口宣

元祐三年

七月十六日

有敕卿等肅將慶幣來舉壽觴臨遣輔臣往頒燕豆仍
加寵賚以示眷懷

賜新除殿前副都指揮使武泰軍節度使苗授

辭免恩命第二表不允批答口宣

元祐三年七月二十日

有敕卿早練武經晚著邊効進持帥節實允僉言矧以次遷無煩懇避

撫問秦鳳路臣寮口宣

元祐三年七月二十四日

有敕卿等久以選掄出分憂寄疆場之重綏御為勞宜示眷懷往宣指諭

閣門賜新除徐王誥口宣

元祐三年八月十二日

有敕卿望隆尊屬德冠宗藩改殿大邦實諧羣議往服朕命以為國華

賜皇叔新封徐王上第二表辭免恩命不允斷

來章批答口宣

元祐三年八月十五日

有敕朕始升徐方以昨叔父庶幾大彭之壽罔愧元王之賢毋復屢辭亟膺成命

賜太師文彥博乞致仕不允斷來章批答口宣

元祐三年

九月五日

有敕耆老在位華夷聳觀若聽公歸恐失民望朕命不
再公其少留

相州賜大遼賀興龍節使副御筵口宣

元祐三
年十一

月六
日

有敕卿等將命鄰邦服勤郵傳久薄風霧少休車徒宜
體眷懷式同燕衍

賜皇伯祖宗晟辭免起復恩命不允批荅口宣

元祐三年十
一月十日

有敕官不可曠禮有從權苟愛君如愛親則王事為家事勉遵舊服少屈私誠

賜皇伯祖宗晟辭免起復恩命不允斷來章批

答口宣

元祐三年十一月十八日

有敕卿哀慕未衰懇辭彌切既寒暑之一變宜忠孝之兩全勉從朕言起服乃事

賜駙馬都尉李瑋已下罷散興龍節道場香酒

果口宣

元祐三年十一月三十日

有敕震夙紀辰邇遐同祝乃眷戚藩之重預修淨供之
嚴亦既告成宜膺寵錫

賜殿前副都指揮使苗授已下罷散興龍節

道場香酒果口宣

元祐三年十一月三十日

有敕卿等以衛上之忠屬誕彌之慶預嚴淨會以薦壽
祺及此告成宜加寵賚

賜權管勾馬軍司公事姚麟已下罷散興龍節

道場酒果口宣

元祐三年十一月三十日

有敕卿等率職周廬歸誠梵宇共致延鴻之祝出於忠
愛之深宜錫珍芳以助燕衍

興龍節尚書省賜知樞密院事安燾已下酒果

口宣

元祐三年十
一月三十日

有敕卿等任重樞機忠存廟社屬誕辰之薦壽脩法會
以告成錫以珍芳助其燕喜

賜大遼賀興龍節人使生餽口宣

元祐三年十
二月一日

有敕卿等遠持慶幣申講鄰歡徒馭有華舍館方定宜

往餽牽之錫以旌郵傳之勤

賜濟陽郡王曹脩罷散興龍節道場香酒果口

宣

元祐三年十一月一日

有敕卿寵冠戚藩望隆舊德將祝無疆之壽故脩最上之乘既徹淨筵宜膺寵錫

賜皇伯祖嗣濮王宗暉已下罷散興龍節道場

香酒果口宣

元祐三年十一月一日

有敕眷我宗英乃心王室脩彼龍天之供慶茲虹電之

祥宜有頒分以成燕喜

賜皇叔祖同知大宗正事宗景罷散興龍節道

場香酒果口宣

元祐三年十一月一日

有敕乃眷宗英祇率藩服慶誕辰而薦壽脩淨會以告成宜有頒分以助燕喜

賜皇叔徐王罷散興龍節道場香酒果口宣

元祐

三年十二月二日

有敕卿望隆周召德邁間平屬誕慶之紀辰仗佛乘而

薦祉助茲宴喜錫以柔嘉

賜文太師已下罷散興龍節道場香酒果口宣

元祐三年十
二月二日

有敕乃眷師臣身先百辟有嚴淨供祇薦萬齡宜有分
頌以助燕喜

賜樞密安燾以下罷散興龍節道場香酒果口

宣
元祐三年十
二月二日

有敕樞機之臣社稷是衛夙設人天之供共祈箕翼之

祥宜膺寵頒式助燕喜

班荆館賜大遼賀興龍節人使到闕御筵口宣

元祐三年十

二月五日

有敕卿等遠將鄰好至止都門屬霜霧之嚴凝念車徒之勤瘁宜伸燕衍以示眷懷

賜大遼賀興龍節人使朝辭訖就驛酒果口宣

元祐三年十

二月五日

有敕卿等畢事告旋指期言邁念征途之勞瘁迫徂歲

之沍寒體我至懷膺茲寵錫

賜大遼賀興龍節人使朝辭訖歸驛御筵口宣

元祐三年十
二月五日

有敕卿等聘事告成陞辭言邁念歸途之云遠復賓館
之少留體我眷懷共茲宴喜

七日賜大遼賀興龍節人使內中酒果口宣

元祐

三年十二
月五日

有敕卿等柅車就館布幣造廷既欣鄰好之脩復歎使

華之美就加寵賚式示眷存

玉津園賜大遼賀興龍節人使射弓御筵口宣

元祐三年十
二月五日

有敕卿等使節有華鄰歡載講既娛賓於靈囿將觀德
於射侯宜有寵頒以旌命中

相州賜大遼賀正旦人使御筵口宣

元祐三年
十二月六日

有敕卿等春朝畢會鄰聘交馳屬徂歲之沍寒念遠勤
於行李往頒燕衍以重使華

班荆館賜大遼賀興龍節人使回程御筵口宣

元祐三年十

二月六日

有敕卿等告辭中禁改乘北轅屬晚歲之嚴凝念征途之悠緬往頒嘉燕可復少留

十日賜大遼賀興龍節人使內中酒果口宣

元祐

三年十二

月七日

有敕卿造廷稱壽率禮可觀豈惟鄰好之脩亦見使華之美宜膺寵錫以示至恩

班荆館賜大遼賀興龍節人使却回酒果口宣

元祐三年十

二月七日

有敕卿等改轅北路供帳都門風埃浩然徒馭勤止宜
膺寵錫以示恩華

瀛洲賜大遼賀興龍節人使回程御筵口宣

元祐

三年十二
月七日

有敕卿等回車北道弭節邊亭使事已終歸驂少憩往
頒燕衍益厚眷存

賜皇弟普寧郡王似生日禮物口宣

元祐三年十二月七日

有敕朕之介弟生以茲辰眷棣萼之相輝祝椿齡之難老宜同慶喜往致寵頒

相州賜大遼賀興龍節人使回程御筵口宣

元祐

三年十二月九日

有敕卿等夙駕歸軒少休旁郡眷言勞勩良極顧懷往錫燕嘉以旌恩眷

趙州賜大遼賀正旦使副茶藥口宣

元祐三年十二月十日

有敕卿等遠脩舊好屬此沍寒載歷山川久蒙霜露宜
有精良之賜式彰軫念之懷

趙州賜大遼賀太皇太后正旦使副茶藥口宣

元祐三年十
二月十日

有敕卿等遠馳四牡來慶三朝屬此歲寒勞於行役宜
膺寵錫以示眷存

興龍節尚書省賜宰相已下酒果口宣

元祐三
年十二

月十
日

有敕誕彌之慶中外所同眷我臣鄰共茲燕喜宜加寵賚以示眷懷

就驛賜大遼賀興龍節使副鈔鑼等口宣

元祐三年

十二月二十日

有敕卿等肅將鄰好遠涉寒塗眷言授館之初宜有勞來之禮往加寵錫以示眷懷

玉津園賜大遼賀正旦人使射弓例物口宣

元祐

三年閏十二月三日

有敕射以娛賓抑將觀德發而命中曾不出正宜旌審
固之能膺受珍良之賜

撫問知大名府馮京口宣

元祐三年閏十二月八日

有敕卿等夙分重寄言念久勞歲聿云周王事靡盬益
加輔養以副眷懷

冬季傳宣撫問河北東路沿邊臣寮口宣

元祐三年

閏十二月八日

有敕疆場之守職思其憂霜露既凝歲聿云暮宜加厚

愛以副眷懷

賜大遼賀正旦人使銀鈔羅唾孟子錦被等口

宣

元祐三年閏十月十八日

有敕卿等遠將鄰好來慶春朝眷言跋履之勤宜有珍華之錫受茲異寵體我至懷

雄州撫問大遼賀正旦人使口宣

元祐三年閏十二月二十

五日

有敕卿等肅將慶幣來會春朝遠犯風埃實勞徒馭欣

聞入境良慰春懷

賜大遼賀正旦人使正月一日就驛御筵口宣

元祐三年閏十

二月二十五日

有敕使華遠至春律肇新即卿舍館之安昭我惠慈之眷往陳燕豆以樂佳辰

賜大遼賀正旦人使內中酒果口宣

元祐三年閏十二月

二十
五日

有敕卿等瑞車華軒來脩舊好醇醪珍寶以薦新春膺

此寵頒體予異眷

班荆館賜大遼賀正旦人回程御筵口宣

元祐三年

閏十二月

二十五日

有敕卿等使事告成旋車言邁方改轅於北道暫弭節於都門昭示眷懷少留宴衍

賜于闐國進奉人正旦就驛御筵口宣

元祐三年閏十

二月二十五日

有敕重驛遠來觀光戾止屬人正之改律樂天叙之發

春宜示寵休式同燕喜

雄州賜大遼國賀正旦人使回程御筵兼傳宣

撫問口宣

元祐三年閏十二月二十五日

有敕卿等已事告歸柅車少憩眷言長道遠犯餘寒宜賜燕嘉以旌勞勩

瀛洲賜大遼賀正旦人使回程御筵口宣

元祐三年

閏十二月

二十九日

有敕卿等已聘言還犯寒遠邁方脂車於北道復弭節

於邊城宜賜宴嘉以旌勞勩

班荆館賜大遼賀正旦人使却回酒果口宣

元祐

四年正月一日

有敕卿等還璋言邁弭節少留念鞭轡之方勤涉冰霜之餘凜宜陳燕俎以寵歸軒

正月六日朝辭訖就驛賜大遼賀正旦人使御

筵口宣

元祐四年正月一日

有敕卿等使事告成陞辭言邁命近臣之往勞庶遠道

之少留體我眷懷共茲宴衍

撫問廊延路臣寮口宣

元祐四年正月八日

有敕卿等分寄邊陲輯寧吏士眷言勤勩良極軫懷往致朕言各宜尚慎

撫問廊延路臣寮口宣

元祐四年六月十一日

有敕卿等各膺器使祇服邊陲眷茲靖安時乃忠力特加勞問以示顧懷

賜右正議大夫守尚書左僕射呂大防生日禮

物口宣

元祐四年六月十一日

有敕惟茲穀旦生我元臣爰分服食之良往助閭門之喜式為爾壽宜識朕心

賜皇叔徐王顯生日禮物口宣

元祐四年六月二十一日

有敕乃眷賢王實為社稷之衛載臨誕日永集邦家之休臨遣使車往致眉壽

就驛賜大遼賀坤成節人使銀鑪等口宣

元祐四年

六月二十三日

有敕卿等遠勤使節展慶誕辰畏暑長途方即安於舍
館精金良幣宜往致於私恩

賜皇弟大寧郡王佖生日禮物口宣

元祐四年六月二十五日

有敕桑蓬示喜復臨載育之辰金幣展親往致友于之
愛膺予寵賚俾爾壽昌

班荆館賜大遼賀坤成節國信使副到闕酒果

口宣

元祐四年七月四日

有敕卿等抗旃遠道解鞅近郊念館舍之未安宜駟騑

之少憩式頒芳旨以示眷懷

賜馬步軍太尉姚麟已下罷散坤成節道場香

酒果口宣

元祐四年
七月四日

有敕卿等誕辰祇慶法會告成嘉與函生同躋壽域往
頒芳旨以勞忠勤

賜大遼坤成節使副生餽口宣

元祐四年
七月七日

有敕卿等抗旌暑路弭節驛亭眷惟行李之勤往致珍
鮮之餽膺茲寵數明我眷懷

雄州白溝驛賜大遼賀坤成節人使却回御筵

兼傳宣撫問口宣

元祐四年七月七日

有敕卿等飛蓋西風改轅北道喜山川之漸近忘徒御之久勞往致眷懷少留燕衍

玉津園賜大遼賀坤成節人使射弓例物口宣

元祐四年七月八日

有敕卿等圭璋致命既已講歡弓矢娛賓亦將觀德宜有珎華之賜以旌審固之能

賜殿前都指揮使已下罷散坤成節道場香酒

果口宣

元祐四年
七月九日

有敕誕彌之慶海宇攸同嘉將帥之協恭設人天之妙
果宜均寵錫以示褒優

賜皇伯祖高密郡王宗晟已下罷散坤成節道

場香酒果口宣

元祐四年
七月九日

有敕眷我宗英志存忠報脩等慈之妙供祝難老之昌
期嘉此精誠均其慶賜

賜同知樞密院事韓忠彥已下罷散坤成節道

場香酒果口宣

元祐四年
七月九日

有敕嘉我樞臣義均一體脩茲淨供慶續千齡不有寵
頒曷旌忠報

相州賜大遼賀坤成節人使却回御筵口宣

元祐

四年七
月九日

有敕鄰好旣成使華有耀眷邦畿之漸遠念郵傳之方
勤服我恩私少留燕喜

賜大遼國賀坤成節使副時花酒果口宣

元祐四年

七月
十日

有敕鄰歡既展賓館歸休宜分醴笋之醇復致瓜華之
脩少將至意其服茂恩

賜平海軍節度使駙馬都尉李瑋已下罷散坤

成節道場香酒果口宣

元祐四年
七月十日

有敕卿等義重戚藩志同忠報屬誕辰之均慶嘉法會
之告成宜示褒優特加寵賚

坤成節尚書省賜宰相已下御筵酒果口宣

元祐

四年七月
十一日

有敕忠存柱石誠貫人天共欣誕日之臨既畢祇園之
會宜頒芳旨以助燕私

坤成節賜同知樞密院事韓忠彥已下尚書省

御筵酒果口宣

元祐四年七
月十二日

有敕脩佛勝因祈天永命既肅成於梵供益表見於忠
誠宜有寵頒以同燕喜

賜徐王罷散坤成節道場香酒果口宣

元祐四年七月

十二日

有敕卿親賢莫二忠孝實兼饌蒲塞於祇園薦椿齡於崇慶喜成法會宜有寵頒

賜大遼賀坤成節人使朝辭訖歸驛御筵口宣

元祐四年七月

月十二日

有敕卿等已聘告歸少休就館即頒燕俎臨遣輔臣式示異恩以榮回馭

班荆館賜大遼賀坤成節人使回程御筵口宣

元祐四年七

月十二日

有敕卿等方事回轅聊茲弭蓋念征途之尚永加秋暑之未衰往錫燕嘉少休徒馭

賜宰相呂大防已下罷散坤成節道場香酒果

口宣

元祐四年七
月十二日

有敕卿等竭誠衛上體國均休恪脩西竺之儀仰獻南山之祝宜膺寵錫以示褒優

賜大遼賀坤成節使副內中酒果口宣

元祐四年七月

十二日

有敕卿等來陳慶幣克講鄰歡載嘉遠聘之勤宜示寵綏之意頒茲芳旨服我恩私

賜大遼賀坤成節人使朝辭訖歸驛酒果口宣

元祐四年七月

月十二日

有敕卿等遠敦使事率禮無違既上謁辭言還有日宜加頒錫益示寵榮

坤成節就驛賜阿里庫進奉人使御筵口宣元祐

四年七月
十四日

有敕汝等來脩貢篚適邁誕辰宜均慶賜之恩共樂亨嘉之會往頒燕俎咸極歡心

瀛洲賜大遼賀坤成節人使回程御筵口宣元祐

四年七月
十四日

有敕鞭轡既勞封疆漸邇雖勤歸念少憇暑途服我恩私式同燕喜

坤成節就驛賜于闐國進奉人使御筵口宣元祐

四年七月
十四日

有敕汝等奉琛遠至授館少留適邁誕辰宜均慶澤欽
承恩渥共樂燕私

班荆館賜大遼賀坤成節人使回程酒果口宣

元祐四年七
月十七日

有敕卿等奉璋來聘弭節言還眷此暑途少留歸馭往
頒燕俎式示恩私

賜新除守司空同平章軍國事呂公著辭免不

允批答口宣

有敕朕圖任元老以表四方以卿望在士民心存社稷
勉膺異數式副僉言

賜皇弟普寧郡王似生日禮物口宣

有敕歲將更端月亦既望實以茲日篤生賢王宜厚寵
頌以介多福

班荆館賜大遼賀坤成節人使回程香酒果口

宣

有敕卿等講成聘禮歸次都門復此少留逝將言邁宜
頒餞筭以寵行驂

東坡全集卷一百十二

欽定四庫全書

東坡全集卷一百十三

宋 蘇軾 撰

內制批答七十六首

賜正議大夫同知樞密院事安燾乞外郡不許

批答

元祐元年
十月八日

覽表具之卿以應務之才居本兵之地綏靜中外人無
間言何疑上章欲求去位未喻厥意聞之憮然夫榮親
莫大於功名養志不專於甘旨而况魏闕之下父母之

邦退食問安孰便於此勉循其舊以卒輔予

賜安燾乞外郡不允批答

元祐九年十月八日

省表具之夫事親者不擇地而安之孝之至也而况艱難之際一日萬幾冰淵之懼當務同濟卿練達兵要灼知邊情寄托之深義難引去亟求自便朕何賴焉

賜新除中大夫守尚書右丞劉摯辭恩命不許

斷來章批答

元祐元年十一月

覽表具之道有行藏時有用捨歲不我與難以智求道

之將行豈容力避大言大利固當安而受之小行小廉非所望於卿者成命不再可無復辭

賜劉摯辭免恩命不允斷來章批答

元祐元年十一月

省表具之政如農耕以既獲為能事言如藥石以愈疾為成功若耕不獲疾不愈朕何望焉所以用卿者非以富貴卿也勉卒成業何以辭為

賜太師文彥博乞致仕不許批答

元祐二年三月二十九日

卿出入四世師表萬民無羨於功名而有厭於富貴其

所以忘身殉國捨逸就勞者豈有求而然哉凡以先帝之恩生民之故也卿之在朝如玉在山如珠在淵光景不陳而草木自遂去就之際損益非輕昔西伯善養老而太公自至魯穆公無人子思之側而長者去之卿自為謀則善矣獨不為朝廷惜乎藥餌有間時遊廟堂家居之樂何以異此

賜太師文彥博乞致仕不允批答

元祐二年三月二十六日

朕脩身以承六聖虛己以聽四輔而法度未定陰陽未

和民未樂生吏未稱職中夜以思方食而歎雖不敢以
事諉元老實望其以身率百官卿猶未即於安孰敢不
盡其力此聖母冲人之本意而天下有識之所望也昔
唐太宗以干戈之事尚能起李靖於既老而穆宗文宗
以燕安之際不能用裴度於未病治亂之效於斯可見
朕意如此卿其少安

賜宰相呂公著乞退不許批答

元祐二年三月二十九日

卿才全而德備積厚而施博明亮篤誠坐屈羣策既以

天下公議而用於此矣豈以卿之私意而聽其去哉水旱之災不德所召卿當助我求所以消復之道不當求去我也詩不云乎大夫君子昭假無羸大命近止無棄爾成勉思厥職以答民望

賜宰相呂公著乞退不允批答

元祐二年三月二十九日

用賢之功必要之久遠日計不足歲計有餘朕之用卿期於百姓之既富卿之自信亦豈一日而成功常賜之災天以警朕夙夜祇懼與卿同之朕若歸過於股肱何

以答天戒卿若釋政而安逸何以塞民言各思其憂少
安厥位

賜尚書左丞李清臣乞退不允批答

元祐二年四月十八日

卿以方聞之舉擢自厚陵禁林之選用於神考逮受顧
命弼予冲人義既同於戚休身豈輕於出處遽欲引去
聞之惻然姑安厥常以助予治

賜尚書左丞李清臣乞退不許批答

元祐二年四月十八日

祥除之初念我聖祖所與共政不忘舊人而卿博學多

聞通練古今小心畏慎不見過失力求引去為之惘然
勉留輔予益祇厥服

賜文武百寮文彥博以下上第一表請皇帝御

正殿復常膳不允批答

元祐二年四月二十二日

朕即位二年水旱繼作致災之故實惟冲人既延及於
無辜復貽憂於文母是以坐不安席食不甘味實欲深
念厥咎豈徒見之空言而雨不崇朝農猶告病欲徇來
請惕然未寧其一乃心勉正厥事毋重朕之不德以答

天之深戒

賜文武百寮文彥博已下上第一表請太皇太

后復常膳不許批答

元祐二年四月二十二日

旱暵之罰自冬及夏天之降灾如此其久則夫致灾之道豈一日而然哉雖力行罪已之文尚恐非應天之實而卿等以膚寸之澤遽欲即安覽之惕然未敢自赦其交脩不逮務盡厥誠期茲歲於有秋雖復常其未晚

賜文武百寮文彥博已下上第五表請皇帝御

正殿復常膳允批答

元祐二年五月二十九日

朕以寡昧膺受多福常欲損上益下畏天之威矧茲旱
災咎在不德而卿等以雨澤既至封章屢上勉從其意
甚愧於中夫天之有風雨雷霆猶朕之有號令賞罰朕
不脩明其事何以責應于天永思其終無忘納誨

賜文武百寮文彥博以下上第五表請太皇太

后復常膳許批答

元祐二年五月二十九日

德積無素民罹其災精誠莫通禱不時應雖蒙膏澤之

報僅救焦枯之餘勉徇來章猶虞後患其謹視盜賊勲
卹流亡益務交脩以裨不逮

賜文武百寮太師文彥博已下上第一表請舉

樂不許批答

元祐二年
六月一日

先王之禮樂因情而立文君子之哀樂自中而形外夫
有莫大之戚則有無窮之悲先皇帝天覆四方子養萬
物至今窮髮之表尚餘流涕之民而况宮庭之間母子
之愛粗畢三年之制遂講八音之和所未忍聞非不欲

作卿等謹於率禮篤於愛君徒欲亟舉舊章顧未深明
吾意三復太息難於黽從

賜文武百寮太師文彥博以下上第一表請舉

樂不允批答

元祐二年
六月一日

禮之至者無文哀之深者無節故禪而不樂古人非以
求名琴不成聲君子以為知禮朕以宗廟之重勉蹈先
帝之餘履其位惕然而自驚用其物潛焉而出涕未報
昊天罔極之德常懷終身不忘之憂欲從衆言亟舉備

樂而金石絲竹乃悽耳之聲千戚羽旄皆泣目之具哀
既未泯樂何從生再閱來章徒增感慕

賜文武百寮太師文彥博已下上第二表請舉

樂不許批答

元祐二年
六月四日

過密之制雖盡於三年追懷之私豈論於歲月金石在
御惻然未寧吾不以一身之憂廢天下之樂今施之郊
廟用之軍旅州閭之會絃歌相聞獨盡餘哀止於中禁
以爲於義未害是故行之不疑

賜文武百寮太師文彥博已下上第二表請舉

樂不允批答

元祐二年
六月四日

朕少遭閔凶僅畢祥禪雖俛就企及非以過制為賢而創巨痛深不能以禮自克觀過其黨聖人許之禮曰喪三年以為極亡則弗之忘矣誠重違國老之忠告姑欲盡人子之至情

賜太師文彥博等請太皇太后受冊第二表不

許批答

元祐二年
六月四日

吾聞聖人以天下為憂未聞以位號為樂也損已裕物
畏天檢身此吾平日之本心非獨遇災而一發也孔子
曰以約失之者鮮矣卿等以是輔我顧不美哉

賜文武百寮太師文彥博已下上第四表請舉

樂不許批答

元祐二年
六月九日

吾之本性以清淨寂寞為樂雖在平日無游觀聲技之
念矧艱難之後哀疚之餘中夜以興方食而歎將不堪
其憂者豈有意於樂哉雖欲勉從未能自克忠告屢却

愧歎兼深

賜文武百寮太師文彥博已下上第四表請舉

樂不允批答

元祐二年
六月九日

鐘鼓以導和羽籥以飾喜譬之飲食之節適於口體之
宜今衰麻之除莫敢逾制而琴瑟之御則有未安卿等
忠誠確然開喻至矣惟反求諸心而弗得故欲行其言
而未能推之人情當識朕意

賜太師文彥博等上第三表請太皇太后受冊

許批答

元和二年
六月九日

吾上順帝則下酌民言處以無心期於寡過卿等以為
協氣既應羣謀僉同若固違典禮之常恐莫慰天人之
望遇災而懼昔者非以為謙聞義則遷吾亦豈敢自必
勉從故事以副嘉言

賜新除中大夫守尚書右丞王存辭免恩命不

允斷來章批答

元祐二年六
月十二日

士有品目定于僉言器之廟堂蔽自朕志豈有僉言既

穆朕志不移而用過謙之詞反已成之命亟服乃事宜
無復云

賜新除中大夫守尚書右丞王存辭免恩命不

許斷來章批答

元祐二年六月十二日

為國不患於無人而不用之為患事君非難於辭
寵居寵而無愧之為難吾之用卿計已審矣卿之自信
又何疑哉

賜新除知樞密院安燾辭免恩命不許斷來章

批答

元祐二年六月二十四日

覽表具之論材考德聖人所以公天下難進易退君子所以善一身權之以義孰為輕重訓兵論將威懷遠人卿以是事上豈不賢於逡巡退避也哉

賜新除知樞密院安燾辭免恩命不允斷來章

批答

元祐二年六月二十四日

覽表具之德稱其服臣主俱榮食浮於人上下交病朕之為天下慮甚於卿之自為謀也思而後行有出無反

成命不再卿毋復辭

賜新除檢校太尉守司空依前開府儀同三司

致仕韓絳辭免恩命不允批答

元祐二年七月七日

國家尊異耆老砥礪廉隅凡致為臣必厚其禮而况卿
出入四世師表萬民身任安危位兼將相永惟三宗眷
遇之重宜極一品褒崇之榮成命既孚僉言惟允宜從
中外之望罔徇謙冲之私

賜韓絳辭免恩命不允批答

元祐二年七月七日

朕惟耆老成人雖或謝事耄期稱道終不忘君其在丘園豈殊廊廟嘉猷入告卿其不易此心大事就訪朕亦敢忘斯義命秩之數典冊之文不如此無以慰朕心而答民望國有常典卿毋復辭

賜太師文彥博辭免不拜恩命許批答

元祐二年八月

二十
七日

卿義重股肱望隆堂陞陞廉遠則堂皇峻股肱逸而元首安故出異恩特鑄奇禮而卿深執恭異力守典刑確

然自陳義不可奪勉從其意愧歎于中

賜太師文彥博辭免不拜恩命允批答

元祐二年八月

二十
七日

朕優禮師傅達德齒之尊以亟拜為可略古之道也卿
謹嚴朝廷明君臣之分以不拜為未安禮之節也道並
行而不悖義有重而難移勉循所陳不忘嘉歎

賜宰相呂公著乞罷相位不許斷來章批答

元祐

二年八月
二十七日

孔子曰苟有用我者暮月而已可也三年有成夫以聖人猶待三年而後成功况其下者今卿助我為治自以為既成矣乎其未也譬如玉人雕琢玉中道而易之豈復成器哉

賜宰相呂公著乞罷相位不允斷來章批答

元祐

二年八月
二十七日

古者君臣之間率常千載一遇今聖母在位正身虛已仰成輔弼雖疎遠小臣猶欲畢命自效而卿乃以小疾

求去縱無意於功名獨不惜此時乎勉卒乃事使百姓
富足四夷又安然後謝事歸老豈不臣主俱榮哉

賜宰相呂公著乞罷相位除一外任不許批答

元祐二年八
月二十八日

夫以才御物才有盡而物無窮以道應物道無窮而物
有盡凡今之患所乏非才以卿篤於愛君必能建長久
之策澹然無我可以寄枉直之權二年于茲百度惟正
事既就緒民亦小康至於微疾之屢攻此亦高年之常

理卿其良食自輔為國少安譬如止水之在槃豈復勞心於鑒物心且不勞而況於力乎

賜宰相呂公著乞罷相位除一外任不允批答

元祐二年八月二十九日

朕以天下之大知為君之難有朽索馭六馬之憂有抱火厝積薪之懼正賴多士協于一心朝夕以思彌縫其闕凡今中外執事膺力之畢陳視吾一二老臣進退以為節卿若無事而引去人皆相顧以自疑而況邊鄙未

寧兵民多故而予左右之老先自求於便安則夫疎遠之臣何以責其盡瘁勉輔不逮期於有成

賜宰相呂公著辭免不拜恩命允批答

元祐二年九月

一日

卿執德惟一守禮不回不以坐論為安而以拜上為泰使朕不盡養老之意而卿得畏威之道勉從其志嘉歎不忘

賜宰相呂公著辭免不拜恩命許批答

元祐二年九月

日一

君之視臣譬之手足方責其大不强所難而卿深執謙
恭力求避免深惟孔子事君盡禮之義曲從其請以儆
惰媮

賜太師文彥博上第一表乞致仕不允批答元祐

二年九月八日

省表具之卿之求去益數矣言不為不切而朕終莫之
從朕之留卿亦至矣禮不為不盡而卿終莫之亮君臣

之際情不相喻朕甚疑之夫樂丘園而厭軒冕亦古人之一節而非聖賢之高致尊者老以重朝廷蓋天下之大計而非冲人之私欲與其使朕屈公議以從卿曷若卿少貶其私意以徇天下乎

賜太師文彥博上第一表乞致仕不許批答

祐元

二年九月八日

覽表具之卿之所以欲去者二疲於朝會勞於應物一也功成身退欲享其樂二也而吾之所以必留者三卿

以英傑之資開物成務世不可闕一也弼亮四朝更涉
變故謀無遺策二也名冠天下進退之間為國休戚三
也吾方盡養老之道殺禮以優賢廟堂之上猶有足樂
則夫卿之欲去者可回而吾之必留者蓋不可易也

賜太師文彥博乞致仕不許斷來章批答

元祐二年

九月十
一日

覽表具之為君難為臣不易非吾推誠無疑不能起卿
於安佚非卿忘身殉國不能從我於艱難召用之初中

外相慶摺紳莫不競勸父老至於涕流中道而歸其義
安在宜思一身之樂輕於社稷毋使庶人之議及於朝廷

賜太師文彥博乞致仕不允斷來章批答

元祐二年

九月十

一日

省表具之君子安身崇德如山嶽之鎮開物成務如江
河之流若山嶽之鎮動搖不安江河之流行止自便則
物將交病人亦何觀朕之望卿無以異此宜守不移之
志以成可大之功

賜宰相呂公著上第一表乞致仕不允批答元祐

三年二月
二十八日

省表具之古者世臣譬之喬木粵自拱把至于棟梁傑
然羣材之中夫豈一日之力卿擢自仁祖迨茲四朝光
輔朕躬允有一德不獨卿無心而事自定抑亦民既信
而功易成方今布在朝廷豈無豪傑之士猶當養以歲
月待其德望之隆卿雖欲歸勢未可去宜安厥位以副
朕心

賜宰相呂公著上第一表乞致仕不許批答

覽表具之卿三世將相一時著龜不求備以取人則房
喬之比其經遠而無競有謝安之風用能寧輯我家靖
共爾位政在元老人無異詞胡為厭事而求歸不復為
國之長慮方今官冗財匱歲艱民貧天步難安國是未
定若方勤於樸斲而遽易於工師人其謂何勢必不可
告老之請吾未欲聞

賜宰相呂公著上第二表乞致仕不許斷來章

批答

元祐三年三月二十九日

覽表具之難進易退固君子之常節久勞思逸亦老者之至情然心存社稷則常節為輕身繫安危則至情可奪惟卿體國豈待多言苟大義之未安雖百請而何益宜安厥位勿復此辭

賜宰相呂公著上第二表乞致仕不允斷來章

批答

元祐三年三月二十九日

覽表具之宰相不自用人主不自為予欲識人物之忠

邪故以卿為水鏡予欲知利害之輕重故以卿為權衡
苟明此心雖老猶壯與其輕去軒冕獨善其身孰若優
游廟堂兼享其樂益敦此義勿復有云

賜新除依前中大夫守中書侍郎劉摯辭免恩

命不許斷來章批答

元祐三年四月十二日

省表具之卿蹈道深遠守節淳固雖不留於儻來之物
而有志於行可之仕樂告以善勇於敢為進不求當世
之名退不叛平生之學未嘗為枉尺直尋之事夫豈有

見得忘義之嫌哉母復過辭往踐乃事

賜劉摯辭免恩命不允斷來章批答

元祐三年四月十二日

省表具之朕纘服之初卿言責是任歷陳治道之要以立太平之基朕欲行其言遂授以政歲月未幾綱紀略陳欲究觀心術之微宜擢居政本之地苟無愧於允蹈豈不賢於力辭往服官箴勿違朕命

賜新除依前中大夫守尚書左丞王存辭免恩

命不許斷來章批答

元祐三年四月十二日

省表具之夫志大有遠略器博無近用以卿忠義開濟
何施不宜今以次遷何足辭也益堅無倦之意以觀可
久之業

賜王存辭免恩命不允斷來章批答

元祐三年
四月十二日

省表具之夫陞簾之增所以隆堂與位次有叙所以尊
朝廷朕既樂得於英才復以時而遷用庶幾華國非以
寵卿祇率厥常毋廢朕命

賜新除守尚書右僕射兼中書侍郎范純仁上

第一表辭免恩命不允批答

元祐三年四月十二日

覽表具之夫有烏獲之力然後可以付千鈞有和扁之功然後可以寄死生故宰相之任非所以寵人臣也無其德而當之為不智有其材而辭之為不仁若卿之才德亦可謂稱矣往思其憂以稱天下之望

賜范純仁上第一表辭免恩命不許批答

元祐三年

四月十二日

覽表具之吾聞之乃烈考曰君子先天下之憂而憂後

天下之樂而樂雖聖人復起不易斯言卿將書之紳銘之盤盂以為一言而可以終身行之者歟則今茲爰立之命乃所以委重投艱而已又何辭乎

賜新除司空同平章軍國事呂公著上第二表

辭免恩命不許斷來章批答

元祐三年四月十二日

省表具之夫國以得人為強如猛獸之衛藜藿以積賢為寶如珠玉之茂山川湛然無為物自蒙利故崔公發議則溜青慙服知朝廷之有人蜀使抗詞則孫權回顧

歎張昭之不在得失之效豈可同日而語哉朕之用卿
意實在此國計之重可無復辭

賜新除司空同平章軍國事呂公著上第二表

辭免恩命不允斷來章批答

元祐三年四月十二日

省表具之周之詩曰無曰予小子召公是似唐之雅曰
惟西平有子惟我有臣夫父子君臣之間光明盛大如
此載之簡策被之金石豈獨閨門之寵足為邦國之華
再省來章具陳先烈雖朕寡昧不敢庶幾於仁祖而卿

忠孝當念服勤於世官祇率厥常毋違朕命

賜新除守尚書左僕射兼門下侍郎呂大防上

第二表辭免恩命不許斷來章批答

元祐三年四月

十二日

省表具之卿有內憂外侮之虞倉廩禮樂之歎陰陽風雨之憂此三者誠當今之大計朕之所以中夜不寐輟食太息者正為此也孟子曰責難於君謂之恭夫既以責其君而不以身任之者非仁人也願卿慨然當古人

之重略世俗之謙務踐斯言憂此三者

賜呂大防上第二表辭免恩命不允斷來章批

答

元祐三年四月十二日

省表具之夫任賢使能天下之公義而辭大就小君子之自守也惟名器爵祿朕所不敢授以私則勞謙退避卿豈得必行其意所謂唐虞三代信任之至以致稷契伊呂德業之隆若卿之言朕敢不勉請事斯語永觀厥成

賜新除守尚書右僕射兼中書侍郎范純仁上

第二表辭免恩命不許斷來章批答

元祐三年四月

十二日

省表具之卿以明哲自託不能非獨以見君子勞謙之
光亦因以知前世用人之弊功烈無取誠如卿言夫次
公減於為郡子元不如為將非獨文獻不足蓋其才德
有偏如卿昔在朝廷首談孟軻之仁義旋為帥守專行
羊祜之威信慨有大志似其先人苟推此心施于有政
則太平可望而小節可略矣

賜范純仁上第二表辭免恩命不允斷來章批

答

元祐三年四月十三日

省表具之自昔先帝之世屢歎才難及朕嗣位以來專用德選雖爵祿名器出於獨斷而長育成就實在羣公長短不遺輔相之責苟無為國養人之意必有臨事乏使之憂朕用慨然當食不御思得英雋之老共收文武之朋惟卿篤於憂國明於知人灼見朕心宜在此位往任天下之重毋事匹夫之廉

賜新除依前正議大夫守門下侍郎孫固辭免

恩命不許斷來章批答

元祐二年四月十三日

省表具之卿奉事先帝有勸學之舊與聞機政有已試之功固非躡等之遷獨恨用卿之晚勉循大義毋事小廉

賜孫固辭免恩命不允斷來章批答

元祐三年四月十二日

省表具之卿向自西樞出殿藩服頃由近輔入侍燕閒昔有未識之恩今乃日聞其語既見君子無踰老臣當益勵於初心尚何辭於新命

賜新除中大夫守尚書右丞胡宗愈辭免恩命

不許斷來章批答

元祐三年四月十四日

省表具之卿自天官擢領風憲下有庇民之意上有愛君之忠度其不以利回是故可以大受丞轄之任非卿孰宜毋復固辭以就遠業

賜胡宗愈辭免恩命不允斷來章批答

元祐三年四月

十四日

省表具之人才之難古今所病忠厚者多乏於用強濟

者或涼於德有德適用如卿幾人方觀卿謀國之良以
成朕知人之美深體此意往祇厥官

賜新除依前中散大夫充樞密直學士僉書樞

密院事趙瞻辭免恩命不允斷來章批答

元祐

三年四月
十四日

省表具之君子之仕也喜於知而樂於用如卿之言結
髮從仕而白首遇合則君子之用舍進退益亦有時矣
勉行其道無失斯時苟能遇事而必為則亦立功之未

晚古人之事將見於卿

賜趙瞻辭免恩命不允斷來章批答

元祐三年四月十四日

省表具之卿挺然孤忠白首一節逝將力求於退避夫豈有意於進取哉特以雅望既隆公議所在方將度才而授任固難越卿以用人往踐厥官毋違朕志

賜正議大夫知樞密院事安燾乞退不允批答

元祐三年五月十八日

省表具之宥密之司安危所寄雖羌酋款塞少休烽燧

之虞而夏童跳邊猶煩筆策之馭翻然求去義有未安夫以朕大烹優賢之資豈不能助卿養志之具足以毋廢子職而能兼為國謀豈不休哉

賜正議大夫知樞密院事安燾乞退不許批答

元祐三年五月二十八日

省表具之乃眷西樞實參大柄吾欲兵民兼利戎夏兩安自非宿業更變之臣懼有傷財縱敵之患卿當念先朝委重之久未可以親庭歸養為詞勉安厥官以副吾意

賜新除殿前副都指揮使武泰軍節度使苗授

上第一表辭免恩命不許斷來章批答

元祐三年

七月十九日

省表具之試材已舊謀帥尤艱故以久次用人欲其深

練於事而卿辭以錮疾豈所望哉速即乃官毋復退避

賜新除殿前副都指揮使武泰軍節度使苗授

上第二表辭免恩命不允斷來章批答

元祐三年

七月十九日

覽表具之環衛之嚴節制之重誕告多士以長萬夫朕
豈輕用其人哉確然固辭未喻厥指往祇朕命毋曠乃官
賜太師平章軍國重事文彥博上第一表乞致

仕不許批答

元祐三年
九月二日

覽表具之昔師尚父九十秉旄杖鉞猶未告老此諸葛
元遜所以屈張昭也而衛武公百年猶箴儆於國曰無
以我老耄而捨我此左史倚相所以誨申公也今卿壽
考康寧而退托衰病自引求去獨不念天下之士有如

彼二子者議其後乎姑安厥官以答公論

賜太師文彥博上第一表乞致仕不允批答元祐

三年九月二日

覽表具之朕聞之成王之政周公在前召公在後畢公在左史佚在右四子挾而維之目見正色耳聞正言一日即位天下曠然未聞四子以老而求退亦未聞成王以老而聽其去也朕雖不德猶庶幾成王之治卿雖老矣獨不能以四子之心為心乎勉卒輔朕無愧前人

賜新除守司空同平章事呂公著上第一表辭
免恩命不允批答

省表具之夫司空之官自唐以來雖無職事而孔子所謂天子有爭臣七人者三公首當之朕欲聞仁人之要言與天下之大計非此元老將安取斯卿其省思慮慎寢食優游廟堂為朕謀其大者

賜新除守尚書左僕射門下侍郎呂大防辭免
恩命不允批答

省表具之夫天以斯民付人主而人主付之宰相若不得人為慢天之所付朕敢乎哉如卿瑰姿偉望宏毅開濟朕既用之不疑而卿自疑何也往脩厥官毋數朕命

賜新除尚書左僕射兼門下侍郎呂大防上第

一表辭免恩命不許批答

覽表具之自英廟擢卿於言責而先帝用卿於西師則朝廷待卿之重蓋出於祖宗之意矣孔子曰吾之於人也誰毀誰譽如有所譽其有所試若卿者可謂屢試矣

卿而不宜其孰宜之

賜新除守司空同平章事呂公著上表辭免不

許批答

覽表具之天下之事使壯者治之老者謀之自堯舜以
來未有易此者也今卿議政而不及事勞心而不及力
吾自以為得養老之禮而不失用賢之實卿何辭之堅也

生獲果莊文武百寮稱賀宣答詞

元祐二年八月二十八日

太皇太后

種羌叛渙西鄙繹駭首出偏師遂擒元惡安邊之喜與卿等同之

皇帝

凶狡就俘羌戎一震既增吏士之氣亦寬戍守之勞靖寇息民與卿等同喜

八月二十八日入內高班蔡克明傳宣取批答
宰臣以下賀生獲果莊表

太皇太后

國家偃兵息民函養中外果莊無故犯順神人棄之雖
廟社無疆之休亦將相一心之助封章來上嘉歎不忘

皇帝

朕上承慈訓下盡羣策務漸寬於民力本無意於邊功
既狂狡之就擒知休息之有日再閱來奏嘉歎于中

東坡全集卷一百十三